

# La BCG promova la chalur a distanza

## Damain emissiuns cun effect da serra grazia ad in nov sistem da stgaudar

Cuira, ils 17 da settember 2017 – Davent da la fin d'avust stgauda la Banca Chantunala Grischuna (BCG) or da la rait da providiment da la Fernwärme Chur AG. Profitar profiteschan da nov la chasa d'abitaziuns e da fatschentas al Stadtgartenweg, la sedia principala Engadinstrasse e la chasa per la clientella al Postplatz tras ina colliaziun posteriura. Questa midada permetta a la BCG da reducir il CO<sub>2</sub> en sias emissiuns cun effect da serra annualas.

La BCG tracta las resursas natiralas cun quità e responsabladad. In accent ecologic metta la banca sin l'infrastructura. Ella examinescha avant mintga sanaziun tranter auter er il diever da systems da stgaudar alternativs che funcziunan cun energias regenerablas.

### Energia ecologica d'auta qualitat

Cun la spiraziun da la durada da vita maximala dals systems da stgaudar actuals ha la BCG decis sin basa da criteris economics ed ecologics da collavurar cun la Fernwärme Chur AG. Quella maina la chalur persa da l'ardera da rument GEVAG da Trimmis a Cuira. En l'avvegnir utilisescha la banca l'energia ecologica d'auta qualitat per stgaudar ses edifizis tranter l'Engadinstrasse ed il Postplatz. Thomas Fischli, manader Infrastructura tar la Banca Chantunala Grischuna, commentescha quest pass sco suonda: «Nus avain la finamira da reducir cuntinuadamain l'impronta ecologica da la BCG. Nus vulain esser ina da las bancas las pli persistentas en Svizra e surpigliar la responsabladad che nus avain envers la societad.»

### Chalur a distanza – co funcziuni?

Per generar chalur a distanza stgaud'ins aua idealmain via in condensatur or d'in process da vapor. Uschia capiti en l'ardera da rument a Trimmis. En auters lieus po er in implant da stgaudament esser in'alternativa. L'aua chauda vegn pumpada tras conducts tar ils consuments, nua che l'energia vegn distribuida cun agid da stgamiaders termics al sistem da stgaudar dals edifizis. Perquai pon ins là desister d'ina atgna produczion da chalur (sco p.ex. cun ina chaldera ad ieli).

### Contact per ils collavurats da medias:

Banca Chantunala Grischuna, Medias & Investor Relations, chascha postala, 7001 Cuira

Thomas Müller, [thom.mueller@gkb.ch](mailto:thom.mueller@gkb.ch), telefon +41 81 256 83 11

Plutarch Chiotopulos, [plutarch.chiotopulos@gkb.ch](mailto:plutarch.chiotopulos@gkb.ch), telefon +41 81 256 83 13

La Banca Chantunala Grischuna sin:

[gkb.ch/medien](http://gkb.ch/medien) | [Twitter](#) | [Facebook](#) | [YouTube](#) | [Flickr](#) | [Xing](#)

---

#### Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universal moderna – per persunas privatas, l'economia ed il maun public. La banca occupa 996 collavuraturas e collavurats (stadi dals 30-06-2018). En il chantun Grischun cun sias numerusas vals e pliras linguas, è l'interpresa represchentada cun 53 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaqint semestril preschenta ella cun ina summa da bilantscha da CHF 26 milliardas in gudogn dal concern da CHF 99,4 milliuns. Il scrit da participaziun BCG è quotà a la bursa dapi ils 10 da settember 1985.

#### Termins

Quint annual 2018: 8 da favrer 2019

Radunanza dals participants 2019: 4 da matg 2019

---